

雷波廳志卷之十七

典禮志

國之大事惟祀最先事神和民其禮莫愆大哉宮牆垂範百世絲竹引和馨香至治文昌之精忠武之靈扶我泰運朗於日星四海昇平百靈獻祉俎豆常新神明戾止舉斯茂典昭示來茲明德降鑒永佐清時志典禮第十七志祀典第十八志祠廟第十九周時魯哀公誅孔子曰尼父爲立廟舊宅置卒守焉此予諡立廟之始

雷波廳志

卷之十七

典禮

一

漢高祖十二年過魯祀孔子以太牢詔諸侯王卿相至郡國先謁廟後從政元帝詔太師褒成君霸以所食邑八百戶祀孔子賜爵關內侯平帝元始元年諡孔子褒成宣尼公

後漢明帝永平二年詔學校皆祀周公孔子十五年詣闕里宅祀孔子及七十二弟子章帝元和二年祀孔子於闕里作六代之樂安帝延光三年祀孔子於闕里桓靈時詔孔廟置百戶卒史掌禮器靈帝元光元年置鴻門學畫先聖及七十二弟子像

魏文帝黃初中詔起舊廟置卒守齊王正始七年令太常釋奠以太牢祀於辟雍以顏回配

晉武帝太始三年詔太學及魯國四時以三牲祀七年皇太子親釋奠於太學

宋高祖永初中詔修墳廟文帝元嘉二十二年太子釋奠採晉故事舞六佾設軒懸之樂器用依上公

齊武帝永明三年學生釋奠於先聖先師用元嘉故事

北魏孝文帝太和十六年改諡文聖尼父與周公並

雷波廳志

卷之十七

典禮

二

饗文成帝詔敕有司薦享

北齊天保閒制春秋二仲釋奠每月朔制祭酒領博士弟子以下太學諸生於階下拜孔聖揖顏回

梁元帝承聖初建廟自圖聖像爲之贊書之

隋文帝開皇初贈孔子爲先師尼父周公爲先聖南面孔子東面制以春秋仲月上丁釋奠

唐高祖武德二年詔國學分立周公孔子廟太宗貞觀二年別祠周公尊孔子爲先聖顏子爲先師配焉

四年詔州縣立廟以左邱明等二十二人配二十年

詔皇太子釋奠於先聖先師高宗顯慶二年仍尊孔子爲先聖顏子爲先師乾封元年追贈孔子太師顏子少師曾子少保元宗開元八年詔顏子及十哲像俱侍坐從祀曾參像侍坐十哲之次二十七年追諡孔子文宣王樂用宮懸舞用八佾贈十哲公侯爵會子以下皆伯爵

後周高祖廣順二年奠闕里廟謁墓

宋太祖建隆三年詔文廟立戟十六親撰文宣王充公二贊太平興國中特免孔氏子孫庸調詔孔宣襲

雷波廳志

卷之十七

典禮

三

封文宣公眞宗咸平三年追諡元聖文宣王祥符五年詔改諡至聖文宣王執桓圭冕九旒服九章至和二年詔封孔子後爲衍聖公神宗熙甯八年制文宣王冕十二旒徽宗崇甯元年詔追封孔鯉爲泗水侯孔伋爲沂水侯大觀二年詔躋子思從祀四年詔文宣王執鎮圭廟門增戟二十四

金章宗明昌元年詔廟門置下馬牌

元世祖至元十年詔春秋二丁釋奠成宗大德十一年七月追封孔子爲大成至聖文宣王祀以太牢文

宗至順元年稱顏子復聖曾子宗聖子思述聖孟子
亞聖

明太祖洪武二年詔文廟附祀鄉賢名宦四年定祭
置高案籩豆簠簋祭鉶悉用磁牲用熟樂用六奏十
四年詔神主不設像頒釋奠儀二十四年敕每月朔
望大學祭酒以下行釋菜禮二十六年頒大成樂器
於郡州縣學成祖永樂四年視學服皮弁行一奠四
拜禮八年正繪像衣冠合古制十二年增籩豆十二
成化二年增樂舞爲八佾世宗嘉靖九年釐正祀典

雷波廳志

卷之十七

典禮

四

改稱至聖先師孔子四配稱復聖顏子宗聖曾子述
聖子思子亞聖孟子十哲以下稱先賢左邱明以下
稱先儒去塑像設木主罷封爵改大成殿爲先師廟
門爲廟門祭用籩豆十舞佾六六郡邑學籩豆殺其
二舞止六

國朝

世祖章皇帝順治二年定諡大成至聖文宣先師孔子十四
年改諡至聖先師孔子通行直省各學

聖祖仁皇帝康熙二十三年

御題萬世師表匾額三十五年

御製孔子贊並顏曾思孟四子贊發各直省立碑

孔子贊 並序

蓋自三才建而天地不居其功一中傳而聖人代宣其蘊
有行道之聖得位以綏猷有明道之聖立言以垂憲此正
學所以常明而人心所以不泯也粵稽往緒仰邇前徽堯
舜禹湯文武達而在上乘君師之寄行道之聖人也孔子
不得位窮而在下秉刪述之權明道之聖人也行道者勳
業炳於一朝明道者教思周於百世堯舜文武之後不有
雷波廳志

卷之十七

典禮

五

孔子則學術終淆仁義湮塞斯道之失傳也久矣後之人
而欲探二帝三王之心法以爲治國平天下之準其奚所
取衷焉然則孔子之爲萬古一人也審矣朕巡省東國謁
祀闕里景企滋深摛筆而爲之贊曰

清濁有氣剛柔有質聖人參之人極以立行著習察舍道
莫由惟皇建極惟后綏猷作君作師垂統萬古曰惟堯舜
禹湯文武五百餘歲至聖挺生聲金振玉集厥大成序書
刪詩定禮正樂旣窮象繫亦嚴筆削上紹往緒下示來型
道不終晦秩然大經百家紛紜殊途異趣日月無踰羹牆

可晤孔子之道惟中與庸此心此理千聖所同孔子之德
仁義中正秉彝之好根本天性庶幾夙夜勛哉令圖溯源
洙泗景躅唐虞載厯廷除視觀禮器摘毫仰贊心焉遐企
百世而上以聖爲歸百世而下以聖爲師非師夫子惟師
於道統天御世惟道爲寶泰山巖巖東海泱泱牆高萬仞
夫子之堂孰窺其藩孰窺其徑道不遠人克念作聖

顏子贊

聖道早聞天資獨粹約禮博文不遷不貳一善服膺萬德
來萃能化而齊其樂一致禮樂四代治法兼備用舍行藏

雷波廳志

卷之十七

典禮

六

王佐之器

曾子贊

洙泗之傳魯以得之一貫曰唯聖學在茲明德新民止善
爲期格致誠正均平以推至德要道百行所基纂成統緒
修明訓辭

子思子贊

於穆天命道之大原靜養動察庸德庸言以育萬物以贊
乾坤九經三重大法是存篤恭慎獨成德之門卷之藏密
擴之無垠

孟子贊

哲人既萎楊墨昌熾子輿闢之曰仁曰義性善獨聞知言
養氣道稱堯舜學屏功利煌煌七篇竝重六藝孔學攸傳
禹功作配

五十五年升朱子於十哲之次

世宗憲皇帝雍正三年

御書生民未有匾額

詔郡縣春秋仲月祭增用太牢

高宗純皇帝乾隆三年升有若於十哲移朱子於西哲末

雷波廳志

卷之十七

典禮

七

至聖先師孔子神位居中正南面

御書與天地參匾額

仁宗睿皇帝嘉慶七年

御書聖集大成匾額

宣宗成皇帝

御書聖協時中匾額

文宗顯皇帝

御書德齊疇載匾額

穆宗毅皇帝

御書聖神天縱匾額俱頒立文廟

兩廡

後漢明帝永平十五年東巡祀仲尼七十二弟子靈
帝光和元年置鴻都門學畫先聖及七十二弟子像
魏齊王正始七年祀孔子於辟雍以顏淵配

北魏孝文太和閒拜顏氏二人官

唐太宗貞觀二十一年詔以左邱明卜子夏公羊高
穀梁赤伏勝高堂生戴聖毛萇孔安國劉向鄭眾杜
子春馬融盧植鄭元服虔何休王肅王弼杜預范甯

雷波廳志

卷之十七

典禮

八

賈逵二十二人配享高宗永徽中贈孔子太師顏子
少師曾子少師元宗開元八年圖畫七十二弟子及
二十二賢於廟壁令當朝文生分爲之贊二十七年
詔追贈諸弟子五等爵

後唐長興三年敕廟壁所繪諸賢每釋奠陳醑醢以
祭

宋初畫七十二賢及先儒二十一人像於東西廊之
壁命文臣爲贊禮如舊眞宗咸平三年詔追封諸賢
五等爵命館閣作贊神宗元豐六年詔封孟子鄒國

公配享七年詔孟子同顏子配食復封荀况蘭陵伯
楊雄成都伯韓愈昌黎伯並崇祀於左邱明等二十
二人之間政和元年詔封弟子侯爵與宣聖名同者
俱避諱改封理宗淳祐元年以周敦頤張載程顥程
頤朱熹從祀景定二年以張栻呂祖謙從祀度宗咸
淳三年以顏淵曾參孔伋孟軻配享進顥孫師於十
哲以邵雍司馬光從祀

元仁宗皇慶二年以許衡從祀文宗至順二年以董
仲舒從祀

雷波廳志

卷之十七

典禮

九

明太祖洪武二十九年黜楊雄祀英宗正統二年以
宋胡安國蔡沈真德秀從祀八年以元吳澄從祀孝
宗宏治八年以宋楊時從祀世宗嘉靖九年詔聖門
弟子皆稱先賢左邱明以下皆稱先儒撤塑像易木
主樂舞仍用六佾從祀申黨卽申棖去黨存棖公伯
寮秦冉顏何荀况戴聖劉向賈逵馬融何休王肅王
弼杜預吳澄俱罷祀蘧瑗林放盧植鄭眾鄭元服虔
范甯俱各祀於其鄉以后蒼王通胡瑗歐陽修陸九
淵從祀穆宗隆慶五年以薛瑄從祀神宗萬曆十二

年以王守仁陳獻章胡居仁從祀四十二年以羅從
彥李侗從祀

國朝

聖祖仁皇帝康熙五十三年升周敦頤張載程頤朱熹邵雍
爲先賢五十三年以范仲淹從祀

世宗憲皇帝雍正二年復以蘧瑗林放秦冉顏何鄭元范甯
從祀增縣亶牧皮樂正克公都子萬章公孫丑諸葛
亮尹焞魏了翁黃幹陳淳何基王植趙復金履祥許
謙陳澔羅欽順蔡清陸隴其從祀東廡首蘧瑗西廡
雷波廳志

卷之十七

典禮

十

首林放列敘先賢先儒共一百二十三人位次

高宗純皇帝乾隆三年升有子入殿次子夏移朱子於顓孫
子次復以吳澄從祀六年頒定先賢先儒位次

宣宗成皇帝道光二年以劉宗周從祀三年以湯斌從祀五
年以黃道周從祀六年以陸贄呂坤從祀八年以孫
奇逢從祀二十三年以文天祥從祀二十九年以謝
良佐從祀

文宗顯皇帝咸豐元年以李綱從祀二年以韓琦從祀三年
以公明儀從祀七年以公孫僑從祀九年以陸秀夫

從祀十年以曹端從祀

穆宗毅皇帝同治二年以呂柟毛亨方孝孺七年以袁燮從祀
光緒元年以張伯行從祀六年以輔廣從祀十九年
以游酢從祀

至聖先師孔子神位居中

東配

復聖顏子

名回字子淵
魯人邾國後

述聖子思子

名伋字子思
伯魚子

西配

雷波廳志

卷之十七

典禮

十一

宗聖曾子

名參字子輿魯
武城人鄒國後

亞聖孟子

名軻字子魚鄒人
魯公族孟孫氏後

東哲

先賢閔子

名損字子
騫魯人

先賢冉子

名雍字仲弓魯
人伯牛之族

先賢端木子

名賜字子貢衛人初為
信陽宰後嘗相魯衛

先賢仲子

名由字子路魯下邑
人仕魯衛為大夫

先賢卜子

名商字子夏衛人
仕魯為莒父宰

先賢有子

史記字子若家
語字子有魯人

西哲

先賢冉子

名耕字伯牛魯人為中都宰

先賢宰子

名子字子我魯人仕齊為臨淄大夫

先賢冉子

名求字子有仲弓之族為季氏宰

先賢言子

名偃字子游吳人仕魯為武城宰

先賢顓孫子

名孫字子張魯人

先賢朱子

名熹字元晦號晦菴婺源人諡文

東廡先賢

公孫僑

字子產鄭大夫威豐七年從祀

雷波廳志

卷之十七

典禮

十三

蘧瑗

字伯玉明以孔子嚴敬罷祀今以孔子大聖食於堂上瑗大賢坐兩廡亦理所宜復祀

澹臺滅明

字子羽武城人

原憲

字子思魯人檀弓作仲憲為夫子宰

南宮适

字子容一作緡魯孟懿子之兄居南宮因姓諡敬叔

商瞿

字子木家語魯人蜀志四川雙流縣人

漆雕開

字子開蔡人鄭元曰魯人

司馬耕

字伯牛宋人家語作司馬犁與史記俱字子牢

梁鱣

字子魚史記註作鯉字叔魚齊人

冉孺

字子魯一作魚家語作冉孺字子魚魯人

伯虔家語字楷一作子析弟子解

冉季字子產魯人

漆彫徒父字子有蔡人家語作漆彫從字子文一作子期魯人

漆彫哆字子歛蔡人家語作彫哆魯人

公西赤字子華陳人

任不齊字子選楚人

公良孺家語名儒史記名孺字子正一作子幼陳人

公肩定家語字仲史記作公堅定字子中魯人或曰晉人

鄒單史記有鄒單字子象無鄒單疑作一人徐廣作鄒善

雷波廳志

卷之十七

典禮

三

罕父黑史記字子素家語作宰父黑字子素一字子黑魯人氏族略亦止有宰父黑

榮旂史記字子旂家語作榮旂魯人

左人郢史記字子行家語作左郢字子行魯人

鄭國家語薛邦字徒魯人史記避漢高祖諱以邦為國鄭字疑薛字之誤

原亢字子亢家語作元亢字子籍史記作原亢字籍正義亢作冗魯人

廉潔史記字庸家語字子庸一作子曹係衛人古史作齊人

叔仲會字子期文翁圖作噲家語魯人鄭元云晉人

公西輿如字子上魯人史記作公西輿

邾巽家語作邾選字子斂史記書邾為邾字子斂文翁圖避諱以邾為國選魯人

陳亢字子亢一字禽陳人

琴張一名牢家語字子聞文翁圖字子張衛人

步叔乘字子車齊人

秦非字子之魯人更名法

顏何字冉魯人明以家語不載罷祀今以家訓及顏高贊俱稱顏氏八賢去何止七人矣復祀

顏噲字子聲魯人

縣亶明以史記不載又疑與鄒單是一人罷祀今以當時原無確據仍為二人復祀

樂正克孟子弟子也好善當在弟子之列增祀其為人也

萬章孟子弟子史記孟子所如不合退與萬章之徒序詩書述仲尼之意增祀

雷波廳志

卷之十七

典禮

古

周敦頤字茂叔世居道州營道縣濂溪學者稱濂溪先生諡元

程顥字伯淳宋河南洛陽人文彥博題其墓曰明道先生諡純

邵雍字堯夫宋范陽人諡康節

東廡先儒

公羊高齊人周末

伏勝字賤鄒平人秦漢間習書秦焚書時獨壁間藏之

毛亨字無考受詩於荀卿以授毛萇楚考烈王二十五年荀卿廢居蘭陵授漢人魯國毛亨則是秦

漢間人矣同治二年從祀

董仲舒廣川人武帝時以賢良對策

后蒼

字近君東海郟人修明禮經明嘉靖時考求古禮以為定禮之宗從祀

杜春

河南緱氏人漢哀平間生

許慎

字叔重東漢時人

諸葛亮

蜀漢瑯琊人居心仁恕開誠布公知出處大節明君臣大義純乎天理合乎聖道增祀

王通

字仲淹隋龍門人諡曰文中子

陸贄

字敬輿唐蘇州嘉興人德宗相諡宣公道光六年從祀

范仲淹

字希文宋吳縣人封汝南公諡文正

歐陽修

字永叔宋廬陵人諡文忠

楊時

字中立宋將樂人學者稱龜山先生

雷波廳志

卷之十七

典禮

五

游酢

字定夫宋建州建陽人程門高弟與楊時並稱

謝良佐

字顯道上蔡人程頤嘗稱其善學宋元豐八年進士與楊時同稱程門四先生道光二十九年從祀

羅從彥

字仲素宋南劍州人學者稱豫章先生諡文質

李綱

字伯紀宋邵武人致和進士歷徽欽高宗朝觀文殿大學士咸豐四年從祀

李侗

字愿中宋延平人朱子受其伊洛之業為述延平問答稱延平先生諡文靖

呂祖謙

字伯恭其先萊人遷婺州諡成忠亮墓題東萊先生

蔡沈

字仲默宋建陽人隱居九峯山世號九峯先生諡文正

陳淳

字安溪號北溪宋龍溪人

魏了翁 字華甫宋邛州人當南宋時邪說簧鼓能維

王柏 字魯齋宋金華人何基弟子點校四書經史

趙復 元初名儒德安人所著傳道圖伊洛圖

許謙 號白雲先生金履祥弟子讀書窮探深微其詩

吳澄 字幼清號草廬崇仁人嘉靖九年以忘宋事元

黜今考澄於經書各有詮註學基學統矯輕警

胡居仁 字淑心明餘干

王守仁 字伯安明餘姚人讀書陽明洞封

羅欽順 字允升明泰和人以實行教士

雷波廳志

卷之十七

典禮

六

黃道周 字幼平明漳浦人天啓武英殿

孫奇逢 字鍾元又號夏峯蓉城人明

湯斌 字潛菴睢州人學於孫奇逢任江

張伯行 字儀封人諡靖恪同

張履祥 號楊園

西廡先賢

林放 魯人明以家語不在弟子列改祀今以問禮

慮不齊 字子賤魯人

公冶長 字子長家語作萇魯人史

公析哀

字季沈齊人史記作公哲

高柴

字子羔家語齊人史記

樊須

字子遲仕於季氏家語魯人鄭元云齊人

商澤

家語字子季魯人史記

巫馬施

字子期陳人史記字子旗為單父宰

顏幸

字柳魯人史記作顏幸

曹卹

字子循蔡人

公孫龍

家語作公孫寵衛人鄭元云楚人或云趙人字子石

秦商

字子丕家語字丕茲魯人鄭元云楚人

雷波廳志

卷之十七

典禮

七

顏高

字子驕家語作顏刻魯人

穰駟赤

家語字子從秦人史記穰作壤字子徒

石作蜀

字子明家語作石子蜀秦人

公夏首

字子桀家語首作守字乘魯人

后楚

史記字子里家語作石處字堅之齊人

奚容蒧

家語字子偕史記子皙文翁圖魯人正義云衛人氏族大全奚仲之後

顏祖

字襄家語名相又字祖字子襄魯人

句井疆

字子疆史記作句井正義作句井字子野一字子孟

秦祖

字子南魯人鄭元云秦人

縣成字子祺家語

公祖句茲家語作公祖茲

燕伋字思家語名級字子

樂欬史記字子聲家

狄黑家語字皙之一作子

孔忠字子茂家語作孔弗史

公西蒧字子尚史記

顏之僕家語字子叔史

施之常字子恆魯人

雷波廳志 卷之十七 典禮

申棖家語申績字子周史記作申黨文翁圖作堂

左邱明中都人授經圖曰魯

秦冉字子開蔡人明疑史記誤書罷祀今以史記列

牧皮孟子趙岐注牧皮與琴張曾皙皆事

公明儀魯人咸豐

公都子孟子弟子研性善之

公孫丑孟子弟子趙岐注孟子既沒萬章公孫

張載字子厚居郾縣之橫渠

程頤字正叔稱伊

西廡先儒

穀梁赤 尸子作叔顏師古作僖字元始魯人生周末

高堂生 索隱字伯魯人生漢初

劉德 漢景帝子封河間王諡曰獻

孔安國 字子國孔子十一世孫生漢武帝時

毛萇 趙人善說詩世謂毛亨為大毛公萇為小毛公生漢武帝時

鄭元 字康成東漢高密人註經論禮百餘萬言囊括大典網羅百家出處進退一衷於道復祀

范甯 字武子晉鄆陵人南昌太守興學造士著春秋穀梁集解詞義精詳有功聖道復祀

韓愈 字退之唐修武人封昌黎伯諡文

雷波廳志

卷之十七

典禮

九

胡瑗 字翼之宋海陵人為湖州教授又召為國學直講學者稱安定先生諡文昭

韓琦 字稚圭宋安陽人魏公咸豐三年從祀

司馬光 字君實宋夏縣人封溫國公諡文正

尹焞 字彥明宋涪陽人伊川弟子學窮根本德備中和質直宏毅賜號和靖先生增祀

胡安國 字康侯宋崇安人諡文定

張栻 字敬夫宋綿竹人忠獻公浚之子號南軒先生諡宣

陸九淵 字子靜宋金谿人學者稱象山先生諡文定

袁燮 字和順宋鄞縣人諡正獻世稱潔齋先生著毛詩經筵講義行世同治七年從祀

黃幹 字直卿號勉齋宋閩人朱子壻授以所著書曰吾道之託在此金華四子遞衍其傳正學賴以

絕不

輔廣

朱子門人光緒六年從祀

真德秀

字子元一字希元宋蒲城人寶元進士累官戶部尚書參知政事稱西山先生諡文忠

何基

宋金華人黃幹弟子得淵源之旨學本真實所著學庸解釋書大傳易啟蒙皆以發揮先儒為主

文天祥

字文山又字宋瑞江西廬陵人度宗右丞相封信國公道光二十三年從祀

陸秀夫

字君實宋鹽城人咸豐九年從祀

陳澧

字可大元南康人博學好古所註禮記集說列其書於學宮學者稱雲柱先生增祀

金履祥

字吉夫號仁山元蘭溪人何基弟子著大學章句疏又論孟集註多先儒未發之義增祀

雷波廳志

卷之十七

典禮

三

許衡

字仲平元河內人學者稱魯齋先生諡文正

方孝孺

字希直天台人官學士有遜齋文集行世同治二年從祀

薛瑄

字德温明河津人學者稱敬軒先生諡文清

曹端

明渑池人世稱月川先生嘗著家規輯略存疑錄及釋太極西銘等書咸豐十年從祀

陳獻章

字公甫明新會人隱白沙學者稱白沙先生

蔡清

字介夫號虛齋明晉江人學以靜虛為主飭躬砥行不愧衾影著有易經理解及四書蒙引行

世增祀

呂坤

字升簡明河南甯陵人世稱新吾先生道光六年從祀

呂柟

明成化時人同治二年從祀

劉宗周

字啟東明山陰人諡忠介道光二年從祀

陸隴其

字稼書平湖人力任斯道精研程朱之學端方孝友以德化民

陸世儀

字桴亭太倉人

崇聖祠

宋真宗大中祥符元年詔封叔梁紇齊國公顏氏魯

國太夫人丌官氏鄆國夫人仁宗慶曆八年詔聖父

齊國公像易以九章之服立廟於聖殿後

元文宗至順元年加封聖父為啟聖王

明世宗嘉靖九年詔加啟聖公封爵令天下學宮皆

雷波廳志

卷之十七

典禮

三

建啟聖祠以先賢顏無繇曾點孔鯉孟孫激配享以

先儒程珦朱松蔡元定從祀神宗萬曆二十三年以

周輔成從祀

國朝雍正元年

諭禮部追封孔子先世五代王爵

木金父為肇聖王

祈父為裕聖王

防叔為詒聖王

伯夏為昌聖王

叔梁紇為啟聖王啟聖祠更名

崇聖祠春秋二仲上丁致祭二年增張迪從祀

東配

先賢顏氏

名無繇字路家語稱季路同之父明嘉靖元年遷配

先賢孔氏

名鯉字伯魚伋之父明嘉靖元年遷配

西配

先賢曾氏

名點字子皙曾子父明嘉靖元年遷配

先賢孟氏

名激字公宜魯公族孟孫之後明嘉靖元年遷配

東廡

雷波廳志

卷之十七

典禮

三

先儒周氏

名輔成周敦頤父明萬曆二十三年從祀

先儒張氏

名迪張載之父宋神宗時出知涪州正身端潔居官廉直貧不能歸葬於郿雍正二年從祀

先儒蔡氏

名元定字秀通隱於西山諡文節蔡沈之父明嘉靖九年從祀

西廡

先儒程氏

名珦字伯溫贈永平伯二程子顯頤之父明嘉靖九年從祀

先儒朱氏

名松字喬年歷吏部司勳郎中出知饒州元至正二十一年諡靖獻朱子熹之父二十二年贈齊國公明嘉靖九年從祀